

Allannguutissatut siunnersuut

uunga

**Siunnersuut uunga: Inatsisartunut Naalakkersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaata allanngortinneqarneranik Inatsisartut inatsisaat nr. xx, uu. qqqq 2010-meersoq.**

(Atorfimmut atatillugu ineqartinneqarneq, angalanernut aningaasartuutit, ilaasortaajunnaarnersiutit, sulinngiffeqarnerit allatullu peqataannginnerit kiisalu ataatsimiititalianut aalajangiisartunullu (nævninut) il.il. ilaasortat aningaasarsiaqartitaanerat pillugit malittarisassanik allanngineq)

Aappassaaneerinninnermut Suleriaaseq pillugu Ataatsimiititaliamit saqqummiunneqartoq

§ 1-imut

**1. § 1, nr. 1-ip kingorna § 1, nr. 2-tut ilanngunneqarpoq:**

”§ 2, imm. 4-mi oqaaseqatigiit aappaattut ilanngunneqarpoq:

”Najuutinnginnermi Kalaallit Nunaanni Namminersorlutik Oqartussani kommuninilu tjenestemandinut malittarisassassat qaqugukkulluunniit atuuttut malillugit akiliunneqarluni angalasoqarsinnaatitaavoq.”

**2. § 1, nr. 8-mi § 6, imm. 10 ima oqaasertaqassaaq:**

”Imm. 10. Napparsimaneq aamma qanigisap toquneranut napparsimarulunneranulluunniit atatillugu najuutinnginneq pissutissaqavilluni peqataannginnertut isigineqassaaq.

Najuutinnginnermi Kalaallit Nunaanni Namminersorlutik Oqartussani kommuninilu tjenestemandinut malittarisassassat qaqugukkulluunniit atuuttut malillugit akiliunneqarluni angalasoqarsinnaatitaavoq.”

§ 2-mut

**3. § 2 ima oqaasertaqassaaq:**

”Inatsisartut inatsisaat ulloq 1. juni 2011 atuutilerpoq.”

Siunnersuummut nassuiaatit

**Nalinginnaasumik nassuiaatit**

Allannguutissatut siunnersuutikkut erseqqissarneqarpoq, Inatsisartunut Naalakkersuisunullu ilaasortat qanigisat toqunerannut/ilisaanerinut napparsimarulunnerannulluunniit atatillugu

qanigisap Kalaallit Nunaanni Danmarkimiluunniit najugaanut/napparsimmavimmut uninngavigisaanut il.il. uterlugulu akiliunneqarlutik angalasinnaatitaasut Namminersorlutik Oqartussani kommuninilu tjestemandinut malittarisassat atuuttut malillugit, ullumikkut Qanigisat napparsimarulunnerinut aamma/imaluunniit toqunerinut ilisaanerinullu atatillugu akiliunneqarluni angalaneq sulinngiffeqarnerlu pillugit Kalaallit Nunaanni Naalackersuisut aamma Kalaallit Nunaanni Tjestemandit Isumaqaatigiissuteqarlutillu atorfillit Qitiusumik Kattuffiata isumaqaatigiissutaat 27. maj 1993-imeersoq naapertorlugu.

### **Aningaasatigut allaffissornikkullu kingunerisassat**

Ataatsimiititaliap isumaliutissiissutaani ersersinneqarpoq siunnersuut ilalerneqarpat tamanna aningaasatigut kinguneqassanngitsoq. Ataatsimiititaliap taamatut naliliineranut tunngavigineqarpoq qaqutigunnaq taamatut akiliunneqarluni angalasoqartarnissaa naatsorsuutigineqarmat, taamalu tamatumunnga aningaasartuutit Inatsisartunut Naalackersuisunullu aningaasaliissutaareersunit akilerneqartarsinnaasut. Siunnersuut ukiuni ataasiakkaani naatsorsuutiginnngisamik pisortanut aningaasartuuteqarnerunermik malitseqassagaluarpat, aningaasartuutit taakku aningaasaliissutaareersunit aningaasartuutigisariaqartassapput.

Allannguutissatut siunnersuut allaffissornikkut kinguneqassanngilaq.

### **Kingunerisassat allat**

Allannguutissatut siunnersuut allanik kinguneqassanngilaq.

## **Aalajangersakkanut ataasiakkaanut nassuiaatit**

### *Nr. 1-imut 2-mullu*

Tjestemandit Kalaallit Nunaanni Namminersorlutik Oqartussani kommuninilu atorfillit qinnuteqarlutik akiliunneqarlutik angalasinnaasarpud. Suleriaasiusut naapertorlugit taamaattoq sukumiinerusumik pissusiviusut misissoqqaarnagit akiliunneqarluni angalasinnaaneq akuerineqartarpoq, qinnuteqaataannarlu tamatigut naammattarluni angalanissamut akuersissuteqarnissamut. Taamaattumik Inatsisartunut Naalackersuisunullu ilaasortat eqqarsaatigalugit inatsisikkut qinnuteqaqqaarani akiliunneqarluni angalasinnaatitaaneq tunngavissinneqassasoq siunnersuutigineqarpoq. Tamatuma saniatigut akiliunneqarluni angalasinnaatitsisoqarpoq piumasaqaatit tjestemandinut qulaani taaneqartunut atugassaritinneqartut assigalugit.

Pisinnaatitaaffimmik atuinermi nakorsap nalunaarutaanik ilanngussisoqartassanngilaq. Inatsisartut Siulittaasuata naalackersuisullu pineqartillugit Naalackersuisut Siulittaasuata

aalajangersinnaavaat angalasoqareerpat nakorsap nalunaarutaanik pissarsiniartoqarlunilu takutitsisoqarsinnaassasoq, malittarisassat tjenestemandinut atuuttut assigalugit.

*Nr. 3-mut*

Inatsisartut inatsisaata ulloq 1. juni 2011 atuutilernissaa siunnersuutigineqarpoq, taamaalilluni ilaatigut nr. 2-mi (ineqarnermut akiliut) aamma nr. 5-imi (ullormuisat) allannguutit allaffissornikkut malitseqartinnissaat piareersarneqarsinnaaniassammata.